

九  
正  
易  
因

三三

震下  
離上

噬嗑亨利用獄

彖曰頤中有物曰噬嗑噬嗑而亨剛柔分動  
而明雷電合而章柔得中而上行雖不當  
位利用獄也

初九履校滅趾无咎象曰履校滅趾不行也  
六二噬膚滅鼻无咎 噬膚滅鼻乘剛也  
六三噬腊肉遇毒小吝无咎 遇毒位不當

也

九四噬乾肺得金矢利艱貞吉 利艱貞吉

未光也

六五噬乾肉得黃金貞厲无咎 貞厲无咎

得當也

上九何校滅耳凶 何校滅耳聰不明也

大象曰雷電噬嗑先王以明罰勅法

# 火雷噬嗑

得象

程子曰噬齧也嗑合也口中有物間之齧而後合也卦上下二爻皆剛而中獨柔頤口之象又一剛爻間于其內爲頤中有物不得嗑必齧之乃得嗑之象故爲噬嗑楊中立曰噬嗑除間之卦也獄者所以治間而求其情治而得其情則天下服矣李子思曰天地生物有爲物之梗者必用雷電擊搏之聖人治天下有爲民之梗者

必用獄斷制之故噬嗑以去頤之梗雷電以去羣生之梗刑獄以去天下之梗朱子曰噬乾肉難于膚而易于腊肺黃中色金斷物劉濟伯曰何負也校木械也滅耳者校加于項沒其耳也熊過曰周禮腊人鄭註云小物全乾曰腊腊之言夕也朝暴于夕乃乾昏禮腊必用鮮是也方時化曰凡獄之由必有所以作梗致間者斷獄而不得其間獄未易剖也若登俎之魚必有所

爲族理筋骨之處噬者從其間而齧之則解矣  
下一畫象屨校而滅其趾上一畫象何校而滅  
其耳六二雖所乘者剛然初也故爲膚噬膚深  
入至沒其鼻旣沒鼻斷其骨矣是以得情而无  
咎六三位旣不當如噬腊肉而遇毒不无小吝  
者然旣親噬而得之故亦无咎也金矢匕筋屬  
九四中一奇畫有噬乾肺而得金矢之象六五  
噬乾肉而得黃金故曰得當言位雖不當以之

斷獄正得當者所謂利用獄是也何也柔中也  
如九四剛不中正雖有金矢之才亦必以利難  
貞戒之縱以艱貞獲吉夫子亦以爲未光則知  
獄貴情恕用在柔中過剛者之不足以斷獄審  
矣不然四之乾肺難干腊肉況加以金矢之才  
助發其間胡謂而未光乎三曰腊肉近日象也  
四曰乾肺五曰乾肉則適當離日賁之象曰君  
子以明庶政无敢折獄嗚呼艱剛明于不用聖

人好生之心何如哉學者宜細思之




張藐山曰噬嗑曰利用獄而六爻之中皆以  
不利爲利何也滅趾不行不利也滅鼻乘剛  
不利也遇毒而吝不利也艱貞貞厲不利也  
而末乃歸重于不明則明爲要矣蓋明則自  
爲艱而厲自能知獄執大法禮順人情如禮  
經所載詳哉其言之矣凡獄皆然而況天下  
之大獄乎況以恩怨行之乎噫剛則剛矣豈  
止滅其耳乎賁之象曰君子以明庶政无敢

九正易區

附一

汲古閣

折獄是以不敢爲主矣此何事也而勇于敢  
乎



離下  
艮上

賁亨小利有攸往

彖曰賁亨柔來而文剛故亨分剛上而文柔  
故小利有攸往天文也文明以止人文也  
觀乎天文以察時變觀乎人文以化成天  
下

初九賁其趾舍車而徒象曰舍車而徒義弗

乘也

舍車而徒此君子  
不肯受乘之責也  
金剛云以菩薩不

受曰德故若有受  
福德處便有受罪  
譴處矣故曰永貞  
之吉終莫之陵也  
不受責則亦不受  
陵矣舍重而徙則  
不致寇至矣小人  
而求君子之器益  
斯奪之君子而受  
柔之責則小人思  
奪之矣

九正易因

百十八

汲古閣

六二責其須 責其須與上興也

九三責如濡如永貞吉 永貞之吉終莫之

陵也

六四責如皤如白馬翰如匪寇婚媾 六四

當位疑也匪寇婚媾終无尤也

六五責于丘園束帛戔戔吝終吉 六五之

吉有喜也

上九白賁无咎 白賁无咎上得志也

大象曰山下有火賁君子以明庶政无敢折獄

山火賁

得象甚難

其初下乾上坤耳今以坤上一爻來居下乾之中則是剛變而爲文明之離而柔來文剛矣但乾剛物也无時不亨者也一旦復賁以文明之離其亨也固宜故曰賁亨以乾中爻又分以居坤之上則是柔變而爲艮山之剛而剛上文柔矣但坤柔物也待乾以往不能獨往者也一旦賁以艮山之剛則攸往无不利矣故曰小利有

攸往夫子曰陰陽交錯剛柔相雜此皆乾道自然之變化是之謂天文也不有天文其何以變通四時而爲章于天乎然內卦文明外卦艮止又自有文明以止止而不文之象焉是之謂人文也不有人文其何以化成天下而使天下咸歸于无色之賁乎故不觀天文則无以知變化之自然非人所能致力不觀人文則无以知聖人能贊天之所不及而艮止之功大矣是故初

剛也又居下二將以文明賁其趾初則舍車而徒終无乘理則二之所以興賁者獨三矣豈知九三亦剛也二將濡如而賁其須矣而實三艮之德也勢數推之天其德以爲人易有剛柔往來上下之說而其最著者賁之彖也故學者沿是爭推其所從變曰泰變爲賁此大惑也一卦之變爲六十三豈獨爲賁也哉學者徒知泰之爲賁又烏知賁之不爲泰乎凡易之所謂剛柔



相易者皆本諸乾坤也乾施一陽于坤以化其一陰而生三子皆一陽而二陰凡三子之卦有言剛來者明此本坤也而乾來化之坤施一陰于乾以化其一陽而生三女皆一陰而二陽凡三女之卦有言柔來者明此本乾也而坤來化之故凡言此者皆三子三女相值之卦也非是卦也則无是言也蠱之彖曰剛上而柔下賁之彖曰柔來而文剛分剛上而文柔咸之彖曰柔

上而剛下恒之彖曰剛上而柔下損之彖曰損  
下益上益之彖曰損上益下此六者適遇而取  
之也凡三子三女相值之卦十有八而此獨取  
其六何也曰聖人之所取以爲卦亦多術矣或  
取其象或取其爻或取其變或取其剛柔之相  
易夫剛柔之相易其所取以爲卦之一端也之  
乾剛永貞終莫能加賁也何也白賁无賁其誰  
能賁之白賁则无色无色則无文无文則无咎

九正易因

賁  
百二十二

汲古閣

故曰白賁无咎艮爲山象丘園上一畫象束帛  
夫五以柔中之主而能甘心受賁于丘園之人  
與其交交之束帛此所以終吉而有喜與而四  
猶不免疑者位當純陰也然亦皤如其白矣以  
乾爲馬而翰如其白矣不以上爲寇而以上爲  
婚媾利與白賁往矣終无尤也夫何疑吾是以  
知陽剛所賁柔實利焉若謂柔能賁剛无是理  
也是故舉世皆後進而夫子獨從野其孰能賁

之蓋至于今二千有餘歲矣終不可加以賁也  
而況當世乎噫

附錄

王畿曰山下有火明照萬物草木交輝賁之象  
也君子觀明照之象以修明其庶政而无敢于  
折獄也修政所以成文明之治折獄者貴用情  
實有文飾則沒其情矣故无敢用文以折獄

坡公總解凡例

九正易因

賁  
百二十三

汲古閣

乾之爲離坤之爲艮陰陽之勢數也文明以止  
離遇其取者則言不取者則不言也又可以盡  
怪之與

張藐山曰觀乎人文以化成天下何以化成之曰文明以止正化成之用也末世流奔以文代質殆如江河之流矣非以艮止之將何所底止乎故余讀周禮一書未嘗不廢卷而歎也噫周公聖人也作法於涼者固如是乎又何以曰觀乎天文以察時變也曰春夏之文極矣不有秋冬以止之可乎其實秋冬亦非止也正所以生春夏之文也故文明以止

所以察時變也 賁以文爲主也而上乃白

賁白則無色矣何文之有而不知此天下之

至文也闇然而日章旣闇矣其何章焉旣的

然矣所亡者何物乎日章者章此闇然中無

窮之藏也的然者其涸也可立而待也可同

日而語乎以故五賁於丘園雖吝何傷乎然

束帛亦何吝焉四遂如馬翰如而從白賁矣

三亦永貞于濡如之中矣初甘舍車而徒確

然不可拔肯輕受責乎二不惟不能責剛而  
反責其須與上與矣是皆有白責之德者也  
是皆有文明以止之操者也故上九白責難  
矣哉我抱此白責誰能責我乎 文質者治  
亂循環之端卦中惟節與賁是文質之數節  
則悅以行險中正以通是爲甘節苦者甘之  
反也是矯不節之枉而過焉者也是聖人經  
世之法賢愚守之無弊神化宜民固如此責




九正易因

附二

汲古閣

則觀天文以察時變觀人文以化成天下要使天下皆安焉而享甘節之通而止矣賁美物也乃君子又守無色之賁不幾于苦節乎不知正所以爲甘也甘者以無味爲味白者以無色爲色甘受穠白受采無味而至味生焉無文而至文生焉此君子節天下賁天下之美物也舍車而徒此真白賁矣自聲色貨利之小人曰何自苦乃爾不顧也束帛戔戔

客非羞客之客乃客齋之客而君子非客也  
道固如是也



坤下  
艮上

剝不利有攸往

彖曰剝剝也柔變剛也不利有攸往小人長也順而止之觀象也君子尚消息盈虛天行也

初六剝牀以足蔑貞凶象曰剝牀以足以滅下也

六二剝牀以辨蔑貞凶 剝牀以辨未有與

九正易因

剝  
百二十四

汲古閣

也

六三剝之无咎 剝之无咎失上下也

六四剝牀以膚凶 剝牀以膚切近災也

六五貫魚以宮人寵无不利 以宮人寵終

无尤也

上九碩果不食君子得輿小人剝廬 君子

得輿民所載也小人剝廬終不可用也

大象曰山附於地剝上以厚下安宅

## 山地剝

柔變剛謂自初至五昔之五陽今爲五陰也然而一陽自在將爲復生之果是以上九有碩果不食之象又爲五陰所載有君子得輿之象其曰小人剝廬者言五陰至此若非上九一陽在上則是自剝其廬將何所庇唯小人旣長自然不利有所往但當靜以俟之耳如夜則安靜以俟晝冬則安靜以俟春非以冬與夜爲不可往

而遂逃也逃將何適乎故自復而臨而泰以至  
夬晝也向明則攸往矣自姤而遯而否以至剝  
夜也向晦則宴息而不往矣此天行也故曰順  
而止之觀象也正所以觀消息盈虛之象而爲  
天之行君子不與焉初六始變于下其象爲剝  
牀以足然初方處下又能居卑雖柔亦貞何可  
言凶唯不甘卑下蔑貞以騁凶乃見矣六二亦  
然二變爲六其象爲剝牀以辨辨者上下之際

然居中守正上无應與雖柔亦貞何可言凶唯  
不守中正蔑貞從邪凶斯兆矣然則此二子者  
但不蔑貞卽无凶禍雖當剝時居二在初聖人  
不棄也不觀六三乎寧失上下四陰終不敢失  
却上九正應其貞正如此則雖在剝之中而自  
然无咎凶奚自至以此知羣陰待陽乃能安處  
陽若不安陰亦危甚如其附陽雖剝何咎又不  
觀六五乎六五率羣陰而承上九其象爲貫魚

以宮人寵聖人且喜其无不利而信其終无尤矣今不法三法五而法四可乎據近君之位爲切近之災剝牀以膚自甘凶害愚之甚也

附錄

程子曰諸陽已盡上九獨存如碩大之果不見食將爲復生之果上九若變則純坤矣然陽无盡變之理變于上則生於下无間可容息者也蔡介夫曰君子得興小人剝廬二義不竝行二



占不並用若君子得輿則小人亦得其廬

汪本鉅曰上九在上五陰載之君子得輿也上九若變則爲純坤无天與覆五陰何庇小人剝廬也

張藐山曰聖人於陰盛之卦如否如小畜皆爲含吐不盡若尚有與望而不忍遽決絕也者至剝則毫無可望直爲決詞徑以不利有攸往繫之矣剝牀以足以辨以膚而卽繫之以凶然曰牀者何也牀者人之所以安其身者也廬之中復有牀焉小人而剝君于是自剝其廬自剝其牀矣不知此輩何以爲活乎然幸六三與上九爲正應略有瓜葛乃不肯

隨羣陰而自失其羣是小人中最聰明者又  
幸六五柔中又能領袖羣小以故聖人三致  
意焉以予觀之是天之所以不絕斯世而尚  
留此碩果尚賴有柔中之五貫魚而共保此  
碩果也且不止爲君子且爲大人彼守正嫉  
邪之君子烏能窺其深心妙用之百一二耶  
方板之君子但能現居士長者耳如六五者  
不拘拘持只尺之義硜硜自好直現魔王阿

修羅身入貪夫邪人之黨與之同事與濟俱  
沒與汨俱出掘泥揚波庶克有濟反若與正  
人君子爲讎而正人君子實陰受其福却又  
無智名無勇功噫此何人斯其剝之六五耶  
又一毫不肯露相一露則死非大有來頭者  
不能 否之初曰拔茅茹泰之六四曰翩翩  
不富以其鄰畜之六四曰渙其血去惕出皆  
聖人之微詞也

三三

震下  
坤上

復亨出入无疾朋來无咎反復其道七日來復

利有攸往

彖曰復亨剛反動而以順行是以出入无疾  
朋來无咎反復其道七日來復天行也利  
有攸往剛長也復其見天地之心乎

初九不遠復无祇悔元吉象曰不遠之復以  
修身也

六二休復吉 休復之吉以下仁也

六三頻復厲无咎 頻復之厲義无咎也

六四中行獨復 中行獨復以從道也

六五敦復无悔 敦復无悔中以自考也

上六迷復凶有災眚用行師終有大敗以其  
國君凶至于十年不克征 迷復之凶反

君道也

大衆曰雷在地中復先王以至日閉關商旅不

行后不省方

地雷復

道問學

剛反則復復則亨又此卦震動于下坤順于上  
則是動而以順行是以出入无疾朋來无咎自  
然皆以我之修身爲法下仁爲則无咎自厲獨  
復自期敦復自考況敢疾初之復乎況肯甘于  
迷復之凶乎初九唯不遠復故无祇悔无祇悔  
者反而復歸其家而无東適西適之悔故元吉  
也復者元吉則迷者災凶又何疑邪且夫人所



以未復者以此心未休也是故六二中正又比  
于初卽能下仁以休復二遂復矣復則吉三唯  
不中乃頻復而厲然卒復矣復則无咎四居五  
陰之中而獨應初從道是爲獨復也復則吉不  
待言也五居上卦之中處坤厚之地而能中以  
自考是爲敦復敦復則休復不獨二獨復不獨  
四也初陽之復方如此二三四五陰皆復卽如  
彼此天下歸仁之勢也而何有于五陰之朋來

哉如是而不復則終不復矣非陰極不反則迷  
重難惺是故上爻兩言凶又言災皆言大敗蓋  
不復而迷則轉吉爲凶不顧矣雖有初九之仁  
奈之何方時化曰陽道非外鑠反者所以復其  
道也自姤而遯而否而觀而剝而坤而復七日  
也一陽旣復五陽自長利有攸往也剝未盡陽  
卽復故初九爲不遠復

附錄

丘行可曰剛反言剝之一剛窮上反丁而爲復也剛長言復之一剛進而爲臨爲泰以至爲乾也以其旣去而來反故亨以其旣反而漸長故利有攸往

金汝白曰觀復可以知仁仁者天地生物之心於穆不已者也彖傳言復見天地之心而六爻皆爲仁之事初不遠復顏子當之乾道也九得乾之初爻也二休復以友輔仁閔冉之徒也三

頻復日月至四獨復孟子生後百年獨能私淑  
夫子以從道也五敦復坤道也六五坤中爻也  
其曾子當之與上迷復自暴自棄不仁者與  
吳子儀曰復乃見天地之心非指復爲天地之  
心

楊廷秀曰頻復非危頻過爲危厲无咎者聖人  
危其頻過而開其頻復也

汪本鉤曰頻復卽是頻失使不失安得有復故

聖人憂其頻復而又喜其頻復

王輔嗣曰四上下各有二陰而處厥中履得其位而應于初獨得所復故曰中行獨復

辟君采曰休復之吉以下仁也後世不務修身故亦不知親賢之爲務

熊過曰虞翻謂坤爲邦國故國君凶十年者李鼎祚曰坤數主十乾无十坤无一故凡言十坤終之象

張藐山曰復者反其故處也往者流逸奔放  
今則反而復其故矣湯武大聖人尚是反之  
之聖而況其次焉者乎顏子亦止爲不遠之  
復以不遷不貳故不遠也其餘則或日一至  
焉或月一至焉不知未至之時何處安身立  
命也復者復其故處果安在仁是也安土敦  
乎仁固有之也故曰休復之吉以下仁也初  
九仁人也五反舍初九將安歸乎所以人爲

最可患而顏子不遠之復以知夫子之人故  
爲不遠故爲休復其餘亦號爲知夫子者皆  
不能如顏子之深知之故顏子又爲獨復爾  
嗟嗟復則無悔元吉无咎无疾利往而亨而  
不復則有災眚爲大敗爲凶何至於是以其  
迷也迷悟之介生死之關危矣哉

三三

震下  
乾上

无妄元亨利貞其匪正有眚不利有攸往

彖曰无妄剛自外來而爲主于內動而健剛  
中而應大亨以正天之命也其匪正有眚  
不利有攸往无妄之往何之矣天命不祐  
行矣哉

初九无妄往吉象曰无妄之往得志也

六二不耕穫不菑畲則利有攸往 不耕穫

九正易因

无妄

及左



未富也

六三无妄之災或繫之牛行人之得邑人之災行人得牛邑人災也

九四可貞无咎可貞无咎固有之也

九五无妄之疾勿藥有喜无妄之藥不可試也

上九无妄行有眚无攸利无妄之行窮之災也

大象曰天下雷行物與无妄先王以茂對時育  
萬物

# 天雷无妄

取象難

地雷復剛反力也天雷无妄則剛又自外來而爲主于內矣其爲力也更大況動而健又與動而以順行者不同夫子曰復則不妄矣无妄所以次復也是爲大亨以正之天命自然利有攸往是故唯初九爲往吉唯初九爲得志他皆妄也不可輕往而可輕動邪動則爲災動則爲眚動則爲疾其不利如此以其匪天命之正與无

妄之往故也夫正當无妄之往他人安所厠足乎且縱往又何之也故曰无妄之往何之矣此時天命既不汝祐雖半步亦難行故又曰天命不祐行矣哉九四知之其所可者只以初九一人爲天命之正故文王曰可貞无咎然四與初應則初亦實四固有之人故夫子曰可貞无咎固有之也所惜者獨二耳二與初比位又正中乃不知天命无妄實在初九猶區區焉以九五

爲正應而不忘其耕穫欲富之心故文王曰使  
六二而能不耕穫不菑畲則利有攸往矣无奈  
陰虛不實竟以未富而不能往而況三乎三則  
真无妄之災也而況上乎上則真无妄之行也  
乃九五尚自謂天命在我不思剛反者之出入  
无疾而下五陰皆順之矣猶日以疾賢爲事而  
豈知勿藥者之庶幾以有喜邪故夫子曰无妄  
之藥不可試也此是試不得的藥若齊黃輩終

日勸九五以嘗之其敗也固宜

附錄

熊過曰田者一歲反草曰菑三歲悉耨曰畬予  
謂二既不忘耕穫之心則或繫之牛者二也四  
曰我固有亦遂得牛以行矣則所謂行人得牛  
者初也三固宜不免坐受邑人之災與三上相  
應三坐以致災而上行亦召眚災者六三之眚  
眚者上窮之災是以君子貴知无妄之往也震

干稼也爲反生故取耕穫象牛巨物也坤爲牛  
爲國邑故又曰邑人之災

張藐山曰无妄與復不同復道學問略無滯義而无妄取象最陰直曰剛自外而主於内矣直曰天命之矣豈無故哉且以耕穫菑畲而求富何妨之有乃曰不耕穫不菑畲則利有攸徃何也至曰或繫之牛言不知爲誰氏之牛也行人得牛亦不知誰得之也三乃李代桃僵可乎此真无妄之災矣三是災自外至猶之可也五則剛中而胡爲乎有无妄之



疾人之有疾無論外感內傷未有無因而至者曰无妄之疾何也豈虛舟飄瓦耶無故而繫此必有故矣剛自外來者曰天命而无妄之往曰天命不祐觀象玩詞者何以處此若以无妄亦作道問學世有无妄以往而天命不祐者其何以訓天下後世也甚矣易之難讀也不耕獲不菑畲是一味聽天命矣或繫之牛與在野之鹿何異人皆曰未知鹿

死誰手而不知鹿固有所屬矣何也天命之也  
當此見可而歸依者止九四爾以四與初正  
應也故曰可貞他皆不知命者以不可進之  
藥姑嘗試之有災有眚何益之有何也命窮  
之也噫天實爲之謂之何哉

三三

乾下  
艮上

大畜利貞不家食吉利涉大川

彖曰大畜剛健篤實輝光日新其德剛上而  
尚賢能止健大正也不家食吉養賢也利  
涉大川應乎天也

初九有厲利已象曰有厲利已不犯災也

九二輿說輶 輿說輶中无尤也

九三良馬逐利艱貞曰閑輿衛利有攸往

利有攸往上合志也

六四童牛之牯元吉 六四元吉有喜也

六五豮豕之牙吉 六五之吉有慶也

上九何天之衢亨 何天之衢道大行也

大象曰天在山中大畜君子以多識前言往行  
以畜其德

山天大畜

文王之卦

大畜大者畜也何謂大畜合乾之剛健與艮之篤實大者皆无不畜之則其輝光日新可勝言哉故特以形容大者之所畜如此且上當艮止其德剛上而尚賢又能止健既大且正故又曰大畜利貞也夫尚賢則賢者皆願爲其所畜居上則得天位而其勢自足以畜之以剛則能止健必養成大賢然後畜之以待他日之用焉以

是大者之正故竝時諸賢咸與大亨无有一人  
家食者其相與荷天之衢應乎天而涉川又何  
疑哉今觀初九居下可以進而受畜于上九矣  
方且以進爲危且止而不犯躁進之災是初之  
賢可尚也九二輿已駕矣又自脫其輹是二之  
賢可尚也非其中之有尤也三本與上合志今  
而輿且駕矣良馬逐矣三陽彙進又何能止而  
猶日閑輿衛不怠艱貞之心是三之賢可尚也

固宜其利有攸往也若四若五下乘三陽上畜  
艮剛是曰童牛是曰豮豕而上一陽又象其牯  
又象牙之閑物所以豫止其健而畜以成之者  
如此元吉有喜吉而有慶又不待言也夫三合  
志者也四有喜而五又有慶則上九畜道至是  
其大行矣衆正之途闢羣陽之路開天衢亨通  
一至于此濟濟蒸蒸咸願嚮用又孰有過于大  
畜者邪然觀之三陽也先之以有厲申之以脫

九正易因

大畜  
百四十

汲古閣

輶守之以艱貞觀之四五也制之以牯守之以  
牙才不使遽逞健不使遽試其不輕于畜又如  
是誠哉大畜之時其當唐虞之際與

附錄

坡公解曰小畜之說輶不得已也故夫妻反目  
大畜之說輶其心願之故中无尤

蔡介夫曰輶與輻不同輻車輪之輳凡三十條  
者輶車上伏兔所以承輻者小畜之說輻爲陰



所止所脫者重久住之計也大畜之說輒自止而不進所脫者微暫止而可旋起者也

熊過曰據鄭玄管輅日新絕句管氏云朝旦爲輝日中爲光牙埤雅云以杙繫豕謂之牙上剛畫在前猶杙牙

陸師農曰牙者所以畜豨豕之杙也今海岱之間以杙繫豕謂之牙

焦弱侯曰日閑輿衛日與曰篆文甚相似何天

之衢與何校之何同音賀負也魯靈光殿賦云  
荷天衢以元亨蓋古字通用周尚書解引莊子  
背負青天而莫夭闕爲証尤明

向子期曰止莫若山大莫若天天在山中大畜  
之象

張藐山曰大畜與小畜相反小畜六四一陰  
得位以小畜大以陰畜陽衆陽不甘爲所畜  
故初九九二保不自失足矣不得已也三則  
不免反目矣上九則戒征凶矣大畜是諸君  
子爲大者所畜也何也艮剛卦也不止上九  
爲剛上同體之四五竝爲大矣且以尚賢而  
爲止健非徒畜止之而已是養之爲後日大  
用之才且非特上之人止健而三陽何嘗不

自止乎初之利已止也二之說輟止也三之  
艱貞止也究且上下合志无災无尤何天之  
衢當此時誰甘家食而不大行其道乎三陽  
之止待時也上之止養賢也小畜之時聖人  
多微詞而處其時者可謂合其志乎 獨是  
四五取象殊不可解既謂四五止健矣健止  
三陽也而三陽無童牛積豕之象卽曰四變  
爲離有牛之象則四爲牛而誰爲牯上九以

剛畫橫亘其上是上爲牯爲牙矣然是上九  
事而繫之四五何居且五亦無彖象再四思  
之不得其解